

祥之所以必志也夫

山川 岡阜��溝附

天地之靈秀現於山川山川之靈秀毓爲俊傑不特
興寶藏殖貨財已也葛雖蕞爾邑分嵩少之餘秀合
溱洧之清流澗水盤其前馬陵踞其後所以德星聚
而祥鳳集者非茲英靈之氣所鍾而然乎

陘山在縣西四十里葛鄭分界西北屬鄭東南屬葛
西與具茨山並峙史記魏襄王六年敗楚師於陘山
卽此山上有鄭祭仲塚塚西有子產墓累石爲方壙

墳東有廟並東北向杜元凱謂不忘本故也廟舊有
一枯栢其塵根故株之上多生稚栢列秀菁穉可愛
今無其迹上有泉一泓味甘而冽南有石崖壁立三
丈餘圍可七八尺兩傍支角中橫一石坦長一丈五
尺寬一丈人履之微動有聲相傳山石自相負戴爲
子產纍墳至山半人見之不動俗呼爲石婆婆肖其
形也山西南有列石數峯森森卓立人呼爲將軍柱
南崖有人跡馬蹄深入石中寸許傳爲仙人遺蹟東
南山麓爲走馬嶺兩傍陡絕中有一徑蜿蜒平坦可

騎乘而上故以得名中多苔蘚土人呼爲石花可以
代茗土山乃陘山餘支也南與走馬嶺相接縱廣五
里餘橫三里許舊名密松林今無其跡上有片石蹲
踞山頂土人呼爲磨鎗石亦無所考皆險僻處也

紫荆山在縣西五十里葛禹分界西北屬禹東南屬
葛東西七里南北六里小洪河發源於此

雙洎河以溱洧合流故名溱水發源新鄭西北雞絡
塢南入於洧洧水發源密縣東南山中超化寺東之
金花泉縱廣二畝其水自地湧出寺西龍王廟前後

二池亦洧源密山諸水皆注焉東至新鄭與溱水合
焉經葛西北二十里東南繞城東北隅東流通洧川
鄢陵扶溝抵正陽關東達淮泗吳楚之地皆可以舟
楫至焉然自葛以上勢高土堅河流不至肆溢自入
葛境則汎濫潰決瀕河類多沮洳之場此特現在之
河形也其變遷開淤則詳見河防

淇水河源出密縣大騮山名魯固河一名清流河東
南流三十里入葛境遶城西五里南三里東流入鄢
陵界漢建安時棗祗建議屯田許下從城西十八里

改流而南引入許境邑人每欲爭之而不能崇禎八年知縣李在公循其故道詳請開濬民頗爲利流寇馳過其地莫測其涯驚以爲神亂後仍廢迄今不復
淇河在縣西北二十五里源出新鄭縣蘇家橋東南流經長葛爲諸陂渠水滙流抵縣東北入雙洎河其故道久淤民以爲患康熙八年知縣吳泰疏濬二十四年知縣李元讓復濬

小淇河源出紫荆山明流十里伏流十里經陳太丘祠及後河鎮東注二十五里至淇鹿寨入淇水

暖泉河在縣西六十里葛禹分界上西有禹王廟岡下爲泉源其水湧出地上冬月頗溫故名許真君常修道於此後人建暖泉觀東流經胡家村又東南繞白樂天宮五龍宮下入許境

石梁河在縣西南四十五里源出禹州郭連理東流經石固寨南有石梁橋爲許葛分界流入葛境五里下注許州

岡坡溝渠附

卓君岡 在縣東十里上有卓太傅廟

封陞岡 在縣東南十里岡有古聞人以名

延秀岡

在縣西北發脈於具茨山綿延葛境東經洧許鄆陵百餘里間起伏蜿蜒凡井落兆墓多

依焉岡之形勢宛秀故曰延秀云

馬陵岡

起自中牟縣南北五十餘里過新鄭洧川界入葛境五里上有孫子龐涓廟唐胡曾詩墜

葉蕭蕭九月天驅兵獨過馬陵前路倚古木蟲書字記得將軍破敵年為卽孫臏伏兵射龐涓處按通鑑孫臏伐魏救趙伏兵馬陵考其地在今大名府東南十里諒以其名同而誤也

太平岡

在縣西二十五里宋太平興國間建寺於上以名

佛耳岡

在縣西北七里因有古佛故名

雙岡

在縣西北澗水故道若隱若現起伏不常至縣西南全現回環宛轉夾於水道若隄堰然

東南入海
川許州境

鳳凰岡 在縣西北十五里漢黃霸治潁川時鳳集於此得名

漢王岡 在縣西南十八里

霸王岡 在縣西南二十五里兩岡相去七里東西並立勢若對壘相傳為楚漢相拒處

古城岡 在縣北十五里漢黃霸治潁川時有東西二城此係東城故址在其上

嶺子口岡

文明岡

崔家雙岡

韓家岡 以上在縣東

劉家岡

毛家岡

曹家岡

馬家岡

黃家岡

以上在縣西南

龐家岡

朝陽岡

三家岡

梁家岡

孔家岡

廟兒岡

李家岡

以上在縣北

葛之岡阜頗多亦無古蹟可考道里遠近不能
悉述然有岡必有水爲陂爲溝卽關隴畔之旱
澇不可不詳志之

黑龍王陂

在縣東北十五里長五里寬三里

王家陂

在縣東南二十三里長六里寬四里

白龍王陂

在縣東南十七里長七里寬五里

汪家陂 在縣東南八里長六里寬五里

蔡家陂 在縣東南十里長六里寬五里

丁家陂 在縣東南十里長三里寬三里

忻家陂 在縣南八里長四里寬二里

譚家陂 在縣西南六里東西八里南北七里

象家陂 在縣西南十七里東西七里南北十里

廖家陂 在縣南十八里東西五里南北十里

胡家陂 在縣西三十里東西十里南北十里

馬家陂 在縣西三十里東西六里南北七里

李家陂

在縣西三十五里東西五里南北十二里

張家陂

在縣西三十二里東西三里南北十二里

許家陂

在縣西十二里東西四里南北五里

白家陂

在縣西北二十里東西八里南北十里

劉家陂

在縣北二十二里寬一里長二里半

孔家陂

在縣北二十一里寬一里長三里

龍池陂

在縣北二十里寬二里長五里

老龍窩

在縣北二十里寬半里長一里

柳莊陂

在縣東北十二里寬五里長十里

張家陂 在縣東北十三里寬一里長三里

胡家陂 在縣東北十里寬二里長五里

梅家陂 在縣北十二里寬一里長一里半

謝家陂 在縣東北十里寬半里長一里

胡家陂 在縣東南十五里寬二里長五里

長明溝 在縣東北二十五里葛界上流經洧川至尉
氏縣西南匯為大陂東南入大溝河

汪家陂溝 在縣東南八里至白龍王廟陂南許州長
十三里寬一丈深五尺明天啟七年知縣

聶明楷疏通康熙二十
三年知縣李元讓疏通

姑姑寺溝 在縣東南十三里胡家陂至許州界長五
里半寬一丈二尺深七尺

城西通濕水河溝

自岳家橋起至雙泊河長十五里寬一丈二尺深七尺

胡家陂溝

在縣西南三十里至小洪河長八里寬一丈二尺深七尺以上三溝康熙二十五

年知縣李元讓疏通

柳莊陂溝

在縣東北十二里北至新鄭交界起至雙泊河長十八里寬一丈深七尺

謝家溝

在縣東北十里長五里寬一丈深七尺

胡家陂溝

在縣東北十二里長二十五里寬二丈深七尺

周家溝

在縣東北十三里長二十里寬一丈深七尺

冀家溝

在縣東北十五里長五里寬一丈深七尺

楊家溝

在縣北十四里長八里寬一丈深七尺

寺耳溝

在縣北二十五里長四里寬一丈深七尺以上七溝俱於康熙二十四年知縣李元讓

疏通

滙瀦田間者爲陂周流阡陌者爲溝皆所以受岡阜之水而灌溉五穀者也則溝渠所關於農務者不綦重乎旱宜蓄而澇宜疏勢固然也第小民可與觀成難與謀始若知縣李元讓先後共疏溝渠十一處始而民以爲怨及獲其利咸共德焉康樂寨貞珉可考也復修書院於洎河岸側歲時享祀不絕二十八年知縣何鼎修平

三大衝衢夾道開成深溝以洩田間之水民感利之群效子來之職又於三農旣隙單騎循行阡陌有淤必濬有決必築勞來慰諭民情鼓舞數年來地獲其利而河不受患此非明鑒歟司是土者毋墮乃績是所望也

論曰葛無高山深谷而西北岡阜相接逶迤東下山澤界於其間至城隅漚而成渠雖時經泛濫而因通舟楫利害猶相半云至於陘山界鄭紫荆界禹惟一石田自溪水入許而葛之南隅水利全

失循覽故道堤岸猶存慨然興歎嗟乎不謂曹瞞
雄詐一時而葛邑至今猶被其患也

河防

葛邑無橫流巨浸北距黃河百五十里長堤峻岸似
可無設然雙泊一河故道環城東北而繞出東南二
里許下達淮泗雖無巨商大船然葛西諸山邑所產
瓜棗油棉煤炭之屬以小舟輿販自此而下民頗賴
之昔年屢遭衝決沿河有堤曰灣堤建築無考明崇
禎五年霖雨彌月西北山水暴溢北有黃流泛溢並

注於葛瀕河廬舍漂沒居民葬於魚腹者不知凡幾
此葛邑之一大變遷也泊河自此北徙南逼城濠直
流東下崇禎七年知縣李在公築護城堤於濠外順
治十一年水漲復決護堤知縣徐昇補築其時河深
丈餘而寬僅五六丈四十餘年安瀾就道山水發則
溢消則如故康熙二年洧川界浮沙淤塞西高東低
舟不能上商舶不至葛者數年欲濬則洧人計專其
利多方強阻葛民不能爭康熙五年知縣吳泰甫任
力主其事躬率邑民一時疏濬舟楫仍通商民至今

稱之康熙二十三四年間頻遭汎濫勢若黃流有寬
至二十丈者兩涯阡陌東北城濠俱成巨浸離城僅
有丈餘爲患孔亟奈水旱頻仍民力困瘁疏築未遑
邇年知縣何鼎每於農隙時躬率居民增修開濬仍
於旱澇之際議疏議築多方防護不至爲患膺茲民
社者幸留意焉

溟河經縣西北二十餘里環繞西南去城旣遠且地
近山阜道深土堅雖時經泛漲不至潰決舊亦無堤
防可考

古蹟

河出圖洛出書此古今之巨典也皆於葛邑不遠必
求如是而志不綦罕乎然名流所涉茂宰所經以至
靈蹤異跡皆班班可考要使其人傳而地亦與之俱
傳也不然豈少山河何必過河洛而仰禹德也哉
古城在縣西五里相傳爲長葛舊城尙存基跡興廢
無考

十二連城在縣西北五里如環相連故曰連城接新
鄭界

子產臺在縣西五里連城南相傳爲子產觀兵處後
人立祠其上詳在祀典

周宣王廟在縣東北二十五里高阜上與洧川接界
相傳爲宣王東狩時駐蹕處也後人立祠其上無碑
記可考

鳳凰城在縣北二十里漢黃霸治潁川時有異政鳳
凰來集因築此城有東西二處基址猶存

馬跑泉在縣西五十里張史保世傳漢光武行兵至
此人馬俱渴馬自跑地有泉湧出故名

卓太傅驅蝗處在縣東十里大岡上太傅爲密令驅蝗至此民感其德立廟祀之詳在祀典

鍾繇臺在縣治前僅存遺址

洗硯池卽鍾繇臺下繇嘗學書臺上洗硯於池水盡黑今池存水涸

陳太丘故里在縣西五十里紫荆山南小洪河北今德星觀卽其遺址

徐元直故里在縣西北三里金魚河北名小河徐家今村中人皆徐姓相傳其後裔也

白樂天故里在縣西南三十八里有白家村今村西里許有墓與祠在焉考公本太原人後徙居新鄭生公於東郭里此殆公之別業歟

葛仙翁池在縣西四十里後河鎮龍泉宮昔吳人葛玄與左慈學仙術於許慈已仙去玄因家於長葛號葛仙翁采藥陘山嘗於暑月入池中數日不出昔人曾以白布入池中得藍色俗名擺藍池今遇旱禱雨輒應亦名靈池

許真君修道處卽暖泉觀詳見山川

仙人井在縣西南二里老龍橋北相傳有仙人飲於井上持鉢向井井水自出人皆驚之轉盼不見井石上留杖履跡刻入如印

金魚河在縣西北五里傳云河內有金魚二尾故名後被邑民賈胡捕去金魚其水遂竭故跡尚存

白龍池在縣東南十八里石相鎮西昔有牧童見一人素衣跨驢行渠東忽不見跡之河內有小白蛇游於水面旋入深處人驚爲龍遂建廟濬池禱雨輒應黑龍潭在縣東北十五里大岡中斷處乃雙洎水漲

衝漩者圍約四五畝淵深莫測相傳有見黑龍在內
故名居民建廟於潭北岡上歲旱取水禱雨卽應地
近田家村亦名田家潭

附葛邑八景

大丘古祠 葛仙靈池 北橋東濟 雙洎秋波

鳳城荒址 鍾臺遺蹟 洪福晨鐘 平岡西照

論曰語云山川不殊而風景頓異何古人之流連
往事如此耶蓋以山川之繫我情者少而往事之
移我情者多也况皆可師可法可驚可愕一一如

日睹焉故使山輝而澤潤衢歌而巷吟至於今不
廢嗚呼景仰之思曷其能已

戰爭

春秋晉楚構難而鄭先被兵葛爲鄭邑其自古兵戈
雲擾之區也楚漢之爭五季之亂必有事中州葛其
免乎哉今見之史冊者備錄焉至明季屠戮之慘又
不忍言矣司是土者其何以撫此殘黎也耶

春秋魯隱公二年宋人伐鄭圍長葛六年冬宋人取
長葛

戰國秦昭襄王三十三年客卿胡傷攻長社取之

秦二世元年周勃以虎賁令從沛公定魏地攻長社先登

二世二年樊噲以賢成君從攻長社

晉元熙元年劉裕誅剪宗室有才望者司馬楚之乃亡汝潁間聚衆以謀復仇屯據長社裕使沐謙往刺之楚之待謙甚厚謙未得聞乃夜稱疾欲因楚之間疾而刺也楚之果自齋藥往視情意慙篤謙不忍害以狀告曰將軍深爲劉裕所忌願善自保全遂委身

事之

元順帝至正十五年答失人都魯拜行省平章政事將兵進次許州長葛與劉福通戰爲其所敗軍潰

明崇禎八年流寇橫行滎陽等處被禍慘甚正月二

十七日直薄長葛人心散亂知縣李在公竭力守禦

又禱於關壯繆祠賊乃遁去邑民有自賊中逃歸者

言賊至城下見城上朱衣金幘者在焉故遁八月二

十五日又攻葛李公令遊兵出戰斬首十一級次日

賊恃衆復攻公躬環甲胄同典史倪拱辰舉人孟良

屏生員張範孔等以大炮擊死者數十人復令千總
賈世威率家丁李守等於泊水上乘其半渡擊敗之
斬首六十四級獲騾馬旗幟器械無算詳載戰勝碑

崇禎十四年冬汴城陷十二月初八日賊前鋒寇葛
時邑令高山斗與賊俱秦人登城東樓相與語反給
居民曰此左將軍殘兵也毋恐欲以城下之教諭歐
陽植亦秦人知其謀奮然以忠義勵衆與舉人孟良
屏貢生黃朝聘生員張範孔等分城拒守高令之謀
不得行次日賊自西南來漫空遍野黃塵蔽天於城

東北隅緣繩攀木肉薄而攻植等奮擊愈厲範孔手發數矢又以大炮擊死數人餘不能上賊益怒須臾復攻蟻附而上勢不支退而巷戰少頃賊衆益至守城人多被獲植入關公祠亦被擒時賊營於東南隅李家村次日植同守城紳士一百三十餘人縛至賊營先責高令不早開門令言皆渠等主持事不由已植等言皆不屈有起而大罵者賊怒而手刃之餘皆被殺入城焚略無遺

風俗

古者天子省方觀民太史采風問俗凡以風俗淳澆可覘政治得失甚重典也葛固僻土乃當天中得清淑中和之氣居多夙稱易治第遷於時代囿於習氣不無淳澆相半欲不煩省觀采問一披覽而卽知其轉移化導之所在焉則紀載其何能已已

葛邑歲時伏臘之節冠婚喪祭之禮與開封所屬郡邑大抵不甚相遠周禮註謂稟中和之氣雖總言豫州而葛在其中漢書曰潁川人尚忠其弊朴野風土記曰上風端愿民俗勤勞有巢由清節之風隋書曰

好尚稼穡重於禮文宋地里志曰其俗重禮義勤耕
維今雖去古其風不遠婚禮問名縉紳士夫惟以婚
啟相通庶民之家則必有定儀若納采嫁娶親友相
濟亦有治具以請名曰告助彼此往還施報相稱士
農皆然娶嫁既易而男女不致愆期此葛俗最善者
也至於親迎報聘服飾車馬必求鮮美亦所以重婚
姻也未足云侈喪葬之禮衣衾棺槨無不從厚鄉黨
親友爲贈爲奠爲旌及輦紼供具之類彼此相助又
有義社會衆積貲遇有凶事悉以貲之此仁厚之風

也亦有專美儀文致祭路奠而以器玩華麗相誇耀者則失之矣祭禮除夕元旦元宵祭祖於家祀社於廟清明掃墓培土七月望十月朔亦祭於墓報本追遠之道士庶皆同至于春祈秋報必虔必敬禮也今俗有演戲樂神不惟妄費且近于褻邇來有司嚴禁其風稍息

論曰習俗移人賢者不免矧在編氓葛本夏禹名區有儉朴遺風明初少爲近古隆萬以後美宮室麗衣服侈賓燕饗神會婚葬大禮尚事儀文而漸

入于靡矣我

皇清御極崇尚忠質漸返醇樸又蒙

撫憲閩公註刊

上諭十六條遍布窮鄉邑令懇懃講解家喻而戶曉之
已浸浸乎漸摩訓行一道同風之盛可拭目待之
也但恐舊染未泯民情易遷則移風易俗之至意
相繼隨時而申令焉固有賴于主持風化者

方輿總論

方輿所志不一皆于社稷人民攸關者不容畧也其


間有天地生成之用而亦有人力利導之功膺斯責者其敢漫焉聽之乎我疆我理前聖之規而省災避舍昔賢所尚因山澤之利以全民用息爭鬪之風以保民生若夫教化興行又爲民牧之專司矣能于方輿所統而加意焉庶不負

聖天子愛民之心亦可于參贊之功得其一端也

長葛縣志卷之一終

長葛縣志卷之二

開封府許州長葛縣知縣何鼎



建設志

城池

學校

公署

舖舍附

祠宇

墓域

寺觀

街衢

坊表

橋梁

鄉村

鎮集

王者建都設邑何莫非因民而設也然有所以衛民者即有所以教民者而澤民必有敷政之所安民必定居止之方他如事神亦以佑民表章即以風民此